



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Dubium III. De renunciatione hæreditatis.

urn:nbn:de:hbz:466:1-42561

D V B I V M III.

De Renuntiatione Hæreditatum.

RESP. I. Renunciatio futuræ hæreditatis, nisi[»] 1125
juramento firmetur, nullius roboris est. Ra-[»]
tio, quia ita jure cautum est, propter bonum pu-[»]
blicum. Excipe 1. Nisi quis in ipso testandi actu[»]
renuntiet juri successionis; vel post testamentum[»]
conditum, in quo præteritus est, præteritionem[»]
sui approbet. 2. Nisi hæres necessarius post debi-[»]
tam sibi portionem integrum à parte acceptam[»]
reliquæ hæreditati renunciet; qui tamen, si bona[»]
patris postea augeantur, legitimam eorum por-[»]
tionem potest exigere. Laym. l. 3. tr. 5. c. 7. n. 1. [»]

RESP. II. Renunciatio hæreditatis, cùm odiosa[»]
sit, & contra jus commune, strictæ interpretatio-[»]
nis esse debet. Unde resolves Casus sequentes:

I. Non obstat renunciatio hæreditatis etiam[»]
jurata à filio facta, quò minus ab eodem patre,[»]
mutatâ iterum voluntate, possit institui hæres.[»]

Mol. Sanch. l. 7. c. 7. [»]

II. Si filius renunciavit in favorem fratris, eo[»]
mortuo ante patrem, is, qui renunciavit, in prima[»]
hæreditate succedere potest; imò etiam institui[»]
debet: quia causa renuntiationis cessavit. Mol. d.[»]
579. n. 19. [»]

III. Filius post juratam renuntiationem, ni-[»]
hilominus succedere potest in iis bonis, quæ pa-[»]
ter ad secundas nuptias transiens, liberis ex pri-[»]
re matrimonio susceptis relinquere cogitur. Ra-[»]
tio, quia in his filius non succedit jure sanguinis,[»]
cui renunciavit; sed propter civiles Constitutio-[»]
nes, & favores, Mol. n. 21. [»]

IV. Etsi filia accipiens dotem à patre, dicat[»]
se eā contentam, & renunciare paternæ hæredi-[»]
tati;

»tati; pactum tamen illud est invalidum, eoque
»non obstante, potest postea petere complemen-
»tum legitimæ portionis suæ. Ex L. pactum dotale,
»Cod. De collat. L. Si quando C. De pactis, & cap. Quam-
»vis pactum. De pactis 6. Mol. Sanch: l. 4: cons: c: 1: d:
»34. Lugo Resp. mor. l. 6. 34.

» V. Si parentes dent filiæ dotem infra portio-
»nem legitimæ debitæ, inducantque eam coactio-
»ne, vel fraude seu dolo ad renuntiandum legi-
»timæ, non sunt in conscientia tuti, sed tenentur
»illi restituere libertatem. Sanch: l. 4: de Matr: d: 9:
»Lugo l: c. Ac licet filia, si renuntiationem jura-
»mento firmaverit, eam servare teneatur, si tamen
»dolus vel metus intervenerit, licebit relaxatio-
»nem juramenti injustè extorti petere, eaque ob-
»tentâ non tenebitur pacto, quod ex injusta coa-
»ctione processit. V. Sanch. l. 3. mor. cap. 12. Lugo
»de just. d. 22. f. 8. n. 195. & Resp: mor: l: 6: d: 24.

» Resp III. Omne pactum vel donatio de alterius
»viventis hæreditate, ipso jure irrita est; v. g. irri-
»tum est pactum, quo Titius hæreditatem, quam
»sperat à Sempronio, promittit aut obligat Cajo.
»Ratio, quia tales pactiones odiosæ sunt, & plenæ
»periculis, ob insidias, quæ parantur ejus vitæ, su-
»per cuius bonis fit pactio. Laym: n: 3.

» Excipe 1. Nisi consentiat is, de cuius hæredi-
»tate agitur, & in eo consensu usque ad mortem
»perseveret. 2. Nisi renuntiatio fiat in favorem
»Communitatis, seu Collegii, hic enim cessat præ-
»sumptio, vel periculum insidiarum. 3. Nisi quis
»ob Constitutiones Ordinis, & de omnibus bonis
»& juribus acquisitis & acquirendis disponere de-
»beat, idque in favorem Communitatis piæ, vel
»etiam certæ personæ pauperis. Sanch: c: 2: num: 54:

Lay.

Lay. n: 3: 4. Nisi fiat pactum circa hæreditatem „
personæ incertæ, v. g. si quæ mihi hæreditas ob „
venerit, dum vixero, tua esto, cessat enim pericu- „
lum. Mol: Sanch: l: 7: c: 2.

Quæres. Quousque se extendat constitutio : „
Trident: s: 25: c: 16: de Regularibus; irritans dona- „
tiones, & renuntiationes, etiam juratas, quæ „
funt ab ingredientibus Religionem, nisi fiant „
cum licentia Episcopi sive Vicarii, intra duos „
menses proximos ante professionem, & professio- „
postea subsequatur.

Resp. I. Hanc constitutionem non habere lo- „
cum in codicillis, testamentis, aut donationibus „
mortis causâ: quia hujus constitutionis ratio est, „
ne per renuntiationem hæreditatis, Novitiis im- „
ponatur necessitas profitendi; hæc enim ratio „
cessat in his ultimis voluntatibus; quippe quæ us „
que ad professionem revocabiles sunt: Quare va „
let adhuc hodie testamentum à Novitio condi- „
tum, neque rumpitur secutâ professione, et si Mo- „
nasterium in eo præteritum fuerit. Sanch: l: 7: c: 5. „
Qui autem licet à Religione recedit, recuperat „
omnia bona cuicunque antè donata intuitu in- „
gressus in Religionem.

Resp. II. Èâ constitutione non prohiberi dona- „
tionem modicam, quia cessat ratio, Sanch: n: 23. „

Resp. III. Èâ comprehendi renuntiationem „
beneficii Ecclesiastici: Ratio, quia hæc est amissio „
magni juris, ob quam libertas egrediendi è Reli- „
gione impeditur. Sanch: n: 37.

Resp. IV. Per eandem etiam irritantur renun- „
cationes, quæ funt ante ingressum Religionis, „
intuitu, vel causâ impulsivâ ingrediendi: qualis „
intentio in dubio præsumitur, si non multò an- „
te ingressum factæ sint: Ratio, tum quia Con- „
cilium

»ciliūm absolutē loquitur ; tum quia aliās non
»sufficienter consuluisset libertati Novitiorum.
»Nav. consil. l. 3. de Regular: consil. 82: Less: l. 2: c. 41: nu:
»40. contra Sanch. cuius tamen sententia est pro-
»babiliſ. Unde ſic donatum tutō retinéri potest ,
»donec per ſententiam Judicis reſcindatur.

» Resp. V. Irritam etiam eſſe donationem ſeu re-
»nuntiationem bonorum , ſub conditione pro-
»feſſionis edendæ factam , ita ut eā non ſecutā
»corruat. Nav. Sanch. n. 17. Mol. Et c. to. 1. de juſt.
»diſp. 149. n. 4. Ratio , quia donantes, ſeu renunti-
»antes, ægre contriftant donatarios, ut eos de poſ-
»feſſione ſemel capta dejiciant : & Monasteria, quæ
»tales donationes acceperunt, omnes modos adhi-
»bent, ut tales ad profeſſionem inducantur. Laym.
»l. 3. tr. 5: c. 7: n. 8.

» Resp. VI. Non obſtantē hac conſtitutione , va-
»lidias eſſe renuntiations aut donationes , ante
»vel post ingressum Societatis JESU factas , juxta
»ejus Conſtitutiones. Ratio , quia Tridentinum
»Societatem diſertē excipit. Dixi, juxta Conſtitu-
»tiones , quia in iis donationibus , quæ contra Conſti-
»tutiones fiunt, non videtur habere locum : quia
»Tridentinum id voluit in favorem Societatis :
»Quod autem ob gratiam alterius conceditur, non
»eſt in ejus diſpendium retorquendum. Mol:
»Sanch: Laym: l. c.

A D D E N D A.

1126 Q: 203: Si Caius Societatem JESU ingressurus do-
navit Fratri ſuo certa bona, addito paſto non revocandi,
ſed ſub conditione, ſi permaneat in Societate, an hæc di-
ſpoſitio teneat. R. §. 1. Huic diſpoſitioni non obſtat
Tridentinum Sess: 25: Cap: 16: De Regul. quia Decre-
tum

tum *Trid.* non habet locum in renuntiationibus ante ingressum factis, etiamsi intuitu Religionis fi-
ant, uti expressè declarârunt Interpretes Triden-
tini apud *Gallema* ad hunc locum, & apud *Dian:*
p:3:t:2.R:55. do centque cum aliis *Sanch:* in *Dec:l 7:*
c:5. à n: 3. & *Castrop:* *T:16.d:1. p: 17. n. 4.* quamvis
contradicant multi cum *Barbosa* de *Off. Episc.* al-
leg. *99.n.16.* & *Pirh.l.3.t.3 i. n. 81.* Et quamvis ha-
beret locum etiam in ingressuris alios Ordines,
non tamen habet locum in ingressuris Societatem,
quia *Trid.* addit se nihil circa illam innovare, sed
relinquere immutatum ejus Institutum: Itaque
hæc quæstio resolvi debet ex jure, vel communi,
vel particulari Societatis.

§. 2. Renunciatio Caji videtur de jure com- 1127
muni esse valida & irrevocabilis, quia nihil deest
illi ad valorem donationis inter vivos, suppono
enim adfuisse reliqua in Cajo, ut validè donare
posset. *Opponit Barb.* n. 32. decisum esse in Rota,
quod talis donatio facta ob ingressum Religionis
revocari possit, quia est veluti mortis causâ: *Contrà*
est, nam supponimus esse donationem inter vi-
vos, secundùm dicta h̄ic n. 816. Deinde talis deci-
sio Rotæ non est regula Juris, nec necessariò se-
quenda, uti dictum est *I. 1. n. 576.* Quid autem te-
nendum sit, si renunciatio fiat per modum testa-
menti, dicetur *I. 4. n. 98.*

§. 3. Valor istius renunciationis non videtur 1128
impediri, sed potius firmari per Institutum Socie-
tatis, nam Examen generale cap. 4. §. 1. dicit, *Qui-*
cunque Societatem ingredi volent, antequam in domo
aliqua vel Collegio ejus vivere sub obedientia incipient,
debent omnia bona sua temporalia, quæ habuerunt, distri-
buere & renuntiare, ac disponere de iis, quæ ipsis obvenire
possint.

possint. Quod autem ibi loquatur de ingressuris Novitiatum, patet ex §. 2. ubi additur, quod si statim propter aliquas honestas causas bona non relinquet, promittat se prompte derelicturum omnia; quandocunque per Superiorum injunctum ei fuerit. Idem clarissime habetur. p. 3. Constit. c. 1. l. G. in declarationibus his verbis, *Ante ingressum quivis de bonis suis temporalibus pro suo arbitratu statuere potest*: Et ideo Less. l. 2. c. 41. n. 41. ait, *ante ingressum Societatis potest quis validè disponere de rebus suis in quascunque causas*. & Sanch. n. 10. *Valent renuntiationes & donationes factae ante ingressum Societatis*.

Respondet Haun. t. 2. c. 6. n. 217. tantum fieri potestatem disponendi dispositione absoluta, nam in Examine §. 1. expressè additur, *disponendo tamen hæc bona juxta propriam devotionem, & à se omnem fiduciam submovendo eadem ullo tempore recuperandi*. Causus autem hic conditionatè tantum disposuit, & cum spe recuperandi, si nempe non maneret in Societate, ergo non disposuit juxta Institutum, ergo non validè. *Contra, dissimilatis reliquis N. ult. conseq. quia quamvis Institutum forte intendat* talem dispositionem fieri absolutè sine spe recuperandi, tamen probari non potest, quod aliter factam invalidet, standum autem est pro valore aetatis, quamdiu clare non constat esse invalidum.

Nec obstat, quod dicatur, debent omnia bona temporalia distribuere: Nam Tò debent, in materia odiosa, & quæ est contra jus commune, non est explicandum ultra vim verbi, quod ad summum significat Societatem optare aut velle, ut sic absolute disponatur sine spe recuperandi, sed non ideo impeditur valor: hinc Sanch. suprà docet jam ingressos

gressos Societatem posse validè, quamvis illicitè, disponere in favorem cujuscunque de rebus suis, etiam contra Constitutiones & voluntatem Superiorum. Quòd autem Tò debent, non significet impediri valorem actùs, patet ex eodem capite 4. Examinis, ubi §. 16. dicitur, *antequam ingrediantur in secundum annum probationis, per 6. menses omnes vacare hujusmodi 6. experimentis debent: item §. 27. dicitur, quòd emissuri professionem per triduum mendicare debent, neque tamen dici potest, quòd secundus annus Novitiatùs aut Professio sit invalida, si quis etiam culpabiliter tale aliquid non præmittat. An & quomodo Novitus vel Scholaristicus Societatis possit disponere de rebus suis, dicitur l. 4. num. 102. & 103.*

D V B I V M IV.

*Qui possint & debeant esse Executores
Testamenti.*

REsp. I. Ii à testatore nominari possunt unus,²² vel plures ex hæredibus, vel non hæredibus²² nec tantùm masculus, sed etiam fœmina: *Sanch.²² Wading. Dia. p. 8. t. 5. R. 4. non tantùm Laicus,²² sed etiam Clericus, & Religiosus: Hic tamen non²² sine sui Prælati licentia; & quidem Generalis, si sit²² Societas JESU: Fratres de Observantia, nullo²² modo. Quòd si tamen Religiosus, contra Cano-²² num decreta, executor testamenti sit, acta ejus²² valent. Ita Laym. l. 3. t. 5. c. 11. Et ratio est, quia spe-²² cato jure naturali, sufficit voluntas testatoris &²² executoris: nec Canones executionem Religiosi²² infirmant, sed prohibent tantùm. V. Bon. de cont.²² d. 3. q. 18. p. 3. num. 10. Dian. R. 9. 10. Et licet im-*

1129

*Tom. III.**Yy**pubes*